

陶氏傳贊譜

## 傳贊引

傳費者綜其生事箕而傳之而贊之使後之人讀其文如見其人也然其體則自司馬遷作史記創七十列傳以志公卿士庶後之作史者遍相殖而費之例興焉譜猶史也援此以爲例則前人芬芳 至湮沒於荒烟蔓草中哉維我陶氏世敦詩禮人尙樸誠砥行立名之士可法可傳者代不乏人述其梗概寄諸傳贊是亦爲人孫子紀實序功事也奚爲而不譜或者曰實行譜矣而傳贊又譜

得無贅乎詎知實行直舉其行而書之無少潤色而傳贊或知交名流或象賢孫子綜其事而揚厲焉者則實行與傳贊原同類而殊科者也譜傳贊

陶公諱守忠字子臣號力行先生暨孺人孔大君合贊力行先生與家大人友善歲相往來予童時挹其道範予登賢書後歲乙亥魏侯聘予爲書院長陶子鈞宣鈞猷鈞球鈞賢從吾遊皆同門畏友一日以乃祖雙真圖贊請予思先生久挹芝眉又與家君爲執友敢以不文辭爰筆贊曰

這兩老好福相但存真面目不作假模樣縞衣綦巾樂我員摹來氣骨亦骯髒滿砌桂蘭馥郁香信于青雲而直上雲山蒼蒼江水泱泱先生之風山高水長試禮部進士揀選文林郎

陶公諱士經字達九號一齋尊親翁先生贊讀書十年養氣十年一毡坐破四十餘年守蘇湖之教澤講藻洛之薪傳年近大革志食堅子若孫家學本源道義文章稱象賢盡如翁樂道林泉何羨玉堂金馬是神仙

年家姻眷教弟李渭西來氏拜撰

## 陶公諱士能字世瞻年伯老先生傳

士能陶公予同鄉中高士也公今年七十有五初與吾家歲相往來先君子嘗稱道不置予童卯時耳熟之後進謁稍疏隔公範者二十餘年每詢公之生平都人士欣然相告今且壽益高人益古精神益健而公之令聞日益著也公幼勵詩書甫長綜理家政老成練達旦暮勤勞創業恢宏稚好揆素故衣不用文繡食不摩膏梁淡泊靜之風公恬如也先人有言忠誠者無偽仁厚者能施夫求無偽於今人難矣求能施於今日尤難獨公秉忠愛坦白爲懷持色待人矢公矢蓋深情厚貌之習刻薄恩之行公所不忍爲也故凡一言一行堪爲法則者不可勝述如平

江邑童姓者四窮可哀有血汗貲數而存公生息臨終時逐年子母相權得六十餘金公分文交出爲殯葬有餘施於渡會勒名於石雙江口瀏邑劇渡公捐資首倡置田爲永久計至今稱便此皆他人難爲者而公爲之卽此類推公眞可謂賢也已甲午秋適公族譜牒重鑄出陶君燮菴手成子公傳予創未登公之堂見公之行催本情時所泥日所敬述一二昭茲來許卽此見公之毒

無窮而流傳亦正未有艾爾

贊曰公之品兮端方公之壽兮康強公之性兮溫良公之心兮慈群公之德兮馨管不能畫揚可以置之竹離芋舍可以登之靖廟明堂俾世世子孫兮食其報於無疆

郡庠生姻晚黃利試士驤甫拜撰

慎齋公八十壽匾小引瀏陽陶氏余嘗序其家乘固夙知其望族也今年秋慎齋陶公以八十旬初渡來嶽進香遇於南臺精舍見其龐眉皓髮玉面方瞳心異之及盤桓道故言論丰采不憶乃靖前任豆自得致之 個所調巨族望人年高德邵者非耶夫衡嶽主壽君老健祇謁是其鍾壽嶽之靈而必膺聖天子昇平人瑞之錫也不卜可知余今皤然八十餘叟矣邇來屏謝世務絕意交遊獨喜君之襟懷洒落

是以樂興之遊昔潞國居洛慕香山社集溫公諸老爲耆英會余擬訂同志爲續耆英社君其泰一座乎公  
笑而領之臨期爰額以贈日蓮社耆英

### 慎齋叔祖大人八十壽贊

冠裳豈必慕先民矩矱自然真休誇陸地神仙貌要看是侃乚閭閻借問函關老子爭如懷葛高人從來天  
道素無親視德以爲鄰知公五福當咸備俾子孫共慶靈椿樂我故園松菊何勞渭水絲綸

姪孫濟霍敬題

### 陶公諱士綱字兆常尊姻翁老先生贊引

嘗思水原木本佳子孫咸有同情稽譜聯宗贊後嗣首先厘念蓋其生平有懿行而刊敘其見端也

兆翁姻先生抱殊尤之姿具特達之才固宜置身闕廷而備勤治琴堂亦遭遇之所爲也以故歷任神君咸  
有忠厚之贊先後共事不啻和恭之協正直公平丰規卓犖善數十年如一日操昔賢之軟老不倦勤荷先  
世之黔直堪啓後侍繼慈而慶華萼於堂前護猶孫而慰龍文於地下又樂此弗疲焉內助雅稱聖善宜男  
挺秀三枝不愧鬚眉對古人行見嘉祥集後裔夙昔之善行銀管莫罄今茲之義舉彤筆揚休余忝戚誼不

雅不文其能一一殫述乎敬弁數語以俟棚風者之或一探播云耳

贊日公老書吏而愛文章公隱山林而志廟堂北門高卧詩酒徜徉我遊其庭書滿南窗我窺其圃菊茂籬  
庄盤桓乎孤松之下徙倚於琴書之傍入疑爲晉之元亮誰識其爲今之兆常

邑庠生嫻教弟黎啓宇 拜撰

## 陶公諱士雄字世傑尊 侍翁老先生傳

聞之士人露善於而子弟之無民者威異姓名之告予嘗疑於是及觀我 侍翁世傑先生然後知古人不我欺也翁少事雞窗窮年矻匕雅不慕功名惟極養德性比長乃翁倦勤爲兄弟四人剖田筋遂自理家政酬酢親朋爲人有節概敦倫飭紀樂善好施言不妄發行不亂爲不隨俗俯仰亦不與世乖違此則植身行己之大畧也親故高其行遇事輒就謀可否至於鼠牙雀角經公勸釋罔不惟命人皆以吉星目之當夫決是非判曲直效效深深不偏不若引之琴琵琶之傍若況之訴講之末言論丰余講如也是故輸其議者有帖服而無牴牾蓋其得於涵養者深夫由是族益睦都盆和里之風俗益厚事不理部自意其端恐爲所短有若竊牛事覺甘坐罰求無使某先生知之者有若望金華之里曰是非我輩可托足者數十年鄉人奉爲典型

焉噫嘻公固儒士也非有爵祿權勢可以動人也而人情之向背世路之隱夷又非智取術取也而服公若此信乎善之足以感人哉至 翁恢宏世業克振先猷娶氏劉予表姑母也德言容工件件都實黽勉同心內助禰質焉生丈夫子五皆克請父書承父志皆務之懿行烟人間不復贅茲謙其善之感人者用垂不朽云

邑增生嫻晚劉元榕泰五氏 拜撰

### 陶公諱士雄字世傑尊叔翁先生贊

人中傑士老於巖谷百尺長松幾間華屋羽扇綸巾春蘭秋菊一溪烟水數竿翠竹五車付兒千金散族正直公平鄉里欣服人皆搖唇公獨捧腹龍德而隱雞養似木此殆自全乎天年何妨遺世而立獨堂哉翁之令名更萬古而金甌是覆

增生姻晚譚步雲可階氏 拜撰

## 毅齋伯大陶先生傳

公上世出晉陶公靖節歷宋元明凡幾十傳至全明公由豫省割創瀏陽途爲劉陽人逮我朝康熙間子臣翁始相度所高里而居焉則公尊人也子臣翁天挺人豪不藉先人燕翼而世業一新娶孔氏母有淑行生丈夫子四翁居仲嵩降時警敏殊羣稍長就傳未幾乃翁覘其有幹濟而諸蘭玉亦皆才公令之撐持門戶而公遇事輒咄嗟立辨肌起陶氏之先人於今日康無不象賢平公者公之兩尊春秋甚高公雖家政出諸其掌猶勤鯉對如初幼頗艱於嗣壯歲始得二子俱頭角嶄豎而長君敬夫尤具熟腸其英邁卓犖不減公先是里中絃誦者少不無浮薄習每見公之高氣岸目輒轂匕汗下皆憚公嚴而公固自易也公孝友出於天性教育比兒不後其子睦族敦故無問賢愚尤喜利濟曾浩南邊官度至今遠邇猶稱須弗衰而其倡族金聯會矢公矢慎使陶氏之有祭田有譜牌公領袖之力居多然則公固疏財而仗義者也嘗作商於外若廣西若漢鎮以及南京閩粵等省往往有車輒馬跡焉夫以非子之業業馬馬宜而公多年絕不免楚引之失非公之經營不及乎賈豎以直取不以曲求素所樹立然也公體如癭丁丑秋貿易聞之佛山鎮櫛風沐雨積勞成疾返旆未久遂乘赤龍而考終焉嗚呼今世之齷齪者不爭利於錐刀便競名於蝸角迄乎大夢卒同草腐而公自齡鬣以至垂老纍纍善狀未易更僕豈非當世所謂賢豪間者耶予忝桑梓熟悉其行事今辭世十餘年想像顏色在落月屋梁時如夢如晤甲午秋適陶氏家乘告成公之長君與予稱莫逆交以

傳請予正樂著其懿履於篇使景行者得以觀焉

邑廩生媼眷晚劉泉享田甫拜撰

入必具寫生手段而後能曲曲傳其人予讀其傳恍然遇翁於管城龍寶間也又况泰山北斗久仰道範  
翁之生平其梗糖已平爲之

讚曰這老人超超脫俗剛方正直温而厲孝友仁慈誠且篤周茂淑之齊月光風程伯子之精金良玉翁庶  
幾登峰而循麓

試禮部進士揀選文林郎

年家眷教弟喻廷中雲墀氏拜撰

毅齋公考訂陶氏源流一帙字節句讐為今日纂修張本而又倡族釀金為祠產計使支大厦者不致嘆一  
木之難則其有功於我陶氏者匪踐也譜成合族同聲一贊曰

支分派別本於一身范公厚族蘇子敦仁名流千古厥惟親親思我陶氏代有聞文歷經鼎革家乘灰泰不  
有公也成事何因功兼守待孰與等倫

合族公贊

陶公諱士才字位三尊姊丈老先生暨孺人合傳

陶公位三予邑望人也少讀唐虞三代之書十三能文因屢試不就遂留意於岐黃之術謂范文正公爲秀  
才時便以天下爲己任思爲名醫以濟世故凡有問病者公掄古方藥之不取其值都人士咸德焉著有醫  
學神效並所得大門心法秘書刊刻行世爲人慷慨好義剛方正直遇鄉鄰有事正色折之聞者自服人不  
敢干以私性好古凡詩人墨客接之以禮其尊人年八十舉動維艱公服侍衣不解帶三年遇貧乏不能自  
存及丹車往來之所無不便以溶庚午明鏡夫使先生爲西賓子從之遊觀其議論合人針限殿加功課富  
是時陳門之士多所成就自是常相過每會必盃酒盤桓挑燈不倦卽至哀笳叫月木馬嘶風鼓三下不休  
有子變菴勤於好學有父風年冠而列鬢宮其所爲文力追先正寢食劉熊王李不肯爲時下靡  
漫之習以故人亦罕有知之者公年既老結茅於所高灣溪頭以觀書飲酒爲事足不履城市者數年每讀

陶站卽歸去來辭掀髯自笑曰此吾送老物也吾其老於是乎自公沒後八載族中父老謀修譜牒燮菴實董其事甲午秋予態試瑞陶子前我日家乘精談顧を一言烏先君子記其實予因述其巔末以記之公諱士才字位三妻鍾氏予君吉伯長女也性幽貞燭于內則歸幽門事員姑以孝相夫子無違德言容工四字件件都今賢聲嘖嘖迷不勝迷至今年六十餘男孫繞膝可以少休猶日夜紡績不倦有敬姜之遺風焉生子四女一孫層濟濟其餘慶貽後有不察而可知者

邑廩生內弟龍溪鍾 菁池化氏拜譔

乾降丁亥春予抱病兒曹謀請善丹青者爲予寫真

予笑謂諸子曰爾曹何痴也畫工雖巧徒得其形似耳予之心畫工其能傳之乎援走筆直書數語以訓之日子之像丹青雖得其真予之心丹青無得而名忠孝節不天地剛方正直可質鬼神與其寄顏於丹青之手而徹得其形似何如手澤之存使子孫知吾本來面目之真

## 陶公諱士佐字仲明尊親翁老先傳

公先祖父土著黃社里以醇謹力農守拙歸田園靖節之苗裔類如斯耶乃公生而穎異志讀書期上進居無何親老且病遂以孝養廢業然已明義理識時務其居室也克儉克勤其涉世也矢公矢慎有睦姻任恤之誼具排難解紛之才故鄉里咸稱善焉先是原醮劉氏生子瑜聰敏能學從予肄業者有年不幸歿沒副室貝氏不育公於是時亦幾無生人之樂矣公既與予交最厚故不時相召促膝話衷之餘每潛有東門果之勸予慰之日以公制行之忠厚而或至乏嗣是不惟天道無知將爲善者倦矣已而繼室吳氏果生子則今予嫡堂妹丈理蒼是也總角時公嘗顧謂予曰吾家世爲農夫子生平引爲恨事以是藐諸驕於君君其爲我督教之吾年老恐不及見其成異日得不廢學君之惠也奈何蒙養初基而公遽捐逝自是家異百出優陵日至予之維持者未省不力然以孤幼富室安能責其負笈遠從耶竊嘗嘆僻壤窮陬非無有造予弟乃或短於年或限於遇而卒不得以學問文章自顯如公父子者可勝道哉今所喜理識悟甚早乃能就正親仁克自樹立以此負荷先業公誠可謂有子矣行見象賢蔚起則述祖德頌先芬直拭目而可俟爲善者後必昌於公寧不可信乎哉茲因燹菴先生肇修家譜爰卽予耳目之所聞見者爲公列傳以誌不朽云

## 陶君諱鈞陽庠名顯陽字德享年兄先生傳

陶子鈞陽予故友也天姿灑雅器宇春容甫十歲卽能習制藝舉業伸紙淡滾數千言與予爲束髮交常鬪詩角文更砥行翼德欲共相切劘以躋於賢豪之域居平與予言日吾幼齡失母今徒侍老父館課於外冀稍成立聊以報老父教育之勤亦以慰亡母幽臭之望也言之淚下乙亥年以府首補弟子員是冬乃畢婚越二年舉一子自是名滿士林然讀書益力修身益謹己卯年偶患火疾予時探視鈞陽絕不介意所殷勤者惟是立德立言耳使天假之年方力追古人而不愧又何論文章售世以掇科第也哉乃年止廿五遽爾長暝嗚呼鈞陽始以母早喪不能盡孝養為域者繼又身早亡不能終事其父傷心哉天寬如斯乎鈞陽素行復何忝乎茲歲甲午陶氏諸君子方有事於家譜鈞陽之子能請災書孤行立名卓然以古人自命將來功名事業殆未可量且克祇事乃祖鈞陽之志夫固有迷之者矣予因跡其生平以為之傳使千百年後陶氏子孫共知有鈞陽者

## 陶公諱士運字公漢尊叔翁先生贊

孤高者其性介直者其行挺特者其志慈祥者其心翁之盛德月旦有評高其品曰山林逸史名其行曰江湖散人

邑廩生姻晚江濟南拜撰

## 陶公諱士偉字公器尊叔翁先生贊

爭名於朝爭利於市人皆營營翁獨淡視祇守我清白家風不慕他赫々炎炎聲勢人日無懷氏之民歎我直羨其熙朝人瑞

庠生姻晚郝文彬拜撰

## 陶公諱士紳字明紳姻先生贊引

明紳先生予邑望人也生平爲人廉靜公直事父母以孝著處昆弟以友聞正學正言凡有前流輩之樣古心古貌不學今世俗之粧世情縱爾紛華翁心自含淡素濟人利物排雖解紛鄉黨中稱爲善士公之品行卓然人羣自當膺朝廷鄉舉里選之典爰爲之

贊曰公諱士紳邑中望人公之道貌端而凝公之心地光而明公之待物和而介公之處事公而平徜徉肆志結亭江濱酒政茶經娛我老不受塵埃半點侵匪直一鄉之望堪為

盛世之楨

試禮部淮士

特揀文林郎現任沅州府黔陽縣儒學正堂

年家春教弟陳朝汲及三氏 拜撰

## 眞吾先生傳

客有問於眞吾先生曰先生號眞吾眞吾之義可得聞乎先生曰子來前吾語汝五倫之中有眞吾焉吾全吾道吾還吾眞也五常之中有眞吾焉吾盡吾性吾還吾真也五事之中有眞吾焉吾踐吾形吾還吾眞也若夫富貴貧賤天與命主之彼汲也於富貴戚戚於貧賤非惟不知天不知命並不知吾也眞吾先生非不汲汲也非不戚也吾樂吾之天吾安吾之命此所以不汲汲所以不戚也眞吾之所以爲眞吾也客莞爾而笑曰先生所言聖人事也先生何言大而誇也先生曰予所言真聖人事也眞吾之事也吾而自調像聖人吾失吾之也吾而調聖人不可學而至吾更失吾之眞也天覆吾地載吾君成吾親生吾師教吾明明

以真吾之事賦吾吾而不欲還吾之真吾而不能還吾之真負天地乎負君親乎負師教乎直負吾耳且子不聞乎子路人告之以有過則喜禹聞善言則拜聖人不敢人無過而教人政過真吾布失其真吾吾之過也真吾有過子何不面責無隱徒聞其言而震而驚之客視真吾先生何許人也解人難案有如是耶客低御久之起而言曰客過矣客過矣客聞先生之言而遽然覺矣茂叔云後人不達以謂聖本生知非學可至而爲學之道遂失不求諸已而求諸外以博文強記巧文麗詞爲工榮華其言鮮有至於道者客知先生之學不求諸人而求諸已故凡立心制行總期不愧乎聖賢則由此而還吾之真以幾於聖賢之域也客烏能測其所至哉雖然猶有慮先生之行固求實踐矣先生之心固甚光大矣而待人接物一事拂心一言逆耳遂不覺怒形於色是猶氣質用事焉何也先生日子生平嫉惡嚴凡遇出言不順人心作事不循天理不覺徵於色發於聲雖過此冰釋而德性未鎔誠有如客所云者行將滿養吾性天擴充吾學問得志則爲國家有用之人不得志班不失為寡過之士客妨去填吾謹受教客斂容再拜而謝曰始吾讀考亭悠然吾亦見真吾之詩而疑焉今聞先生之言客亦悠然吾亦見真吾矣政退而書吾先生之證以傳作傳者誰真吾之自寫其真也真吾爲誰陶其姓鈞宣其諱而變菴其字也

## 公諱樹信字中孚伯父大人傳

蓋聞士農工商各執一業有志者事竟成斯可加人一等稱爲表表者耳我伯諱樹信字中孚乃桂海公之長子也幼聰穎善誦讀敦孝弟哉匕乎有鶴立鷄羣之概緣恙患失血父母憐之遂棄儒襄理家政越數年體肥健謂人生在勤勤則不匱幽風陳圖無逸著篇皆言播穀耕稼不可息緩興其弟魏雲鋤肝手肝足三年耕面有一年之食九年耕而有三年之食伯母氏章內助稱賢事舅姑稱孝稱孝德言容工咸備生子入仲與季早殤餘俱教讀婚配得儕年高德邵之流其子襄臣冠年補弟子員棘闈數屆薦而未售命也肇基僅五畝今則百倍過之矣非勤儉勉匕何以致此繞膝同四代今幸百又過半矣非積累齎匕何以致此且護祖墓獨具精心謂葛藟猶庇本根而况人乎房戶遍跨傷祖構訟四載始得沐結寢事後十數年又統凶擅改伯呈控沐批押退眾勸格外恩給始獲安堵卧榻之側不容他人鼾睡伯之力也倘所謂剛不吐柔不茹者非耶且樂善好施凡遇美舉無不解囊作族顧理團防鼠牙雀角極力排解至今人稱公平正直壽八十有六乘化歸盡殆有大高祖作古時之笑容焉詩所謂宜爾子孫繩繩兮者其伯之謂乎

## 陶公諱樹信字中孚侍翁老先生贊

金玉其相松柏其性圭璧其躬砥礪其行雖未許智過萬大日英才高千人日後正所使可欲之善有請己之謂信故園松菊色生新繞砌芝蘭輝掩映人爭稱是懷葛高人我直羨其有耆英福命

邑庠生姻教姪唐宗槐立森氏拜題

## 公諱樹敖字有五叔父大人傳贊

大凡作傳者虛誕者浮誇張者伏僞辨者誣皆非所以爲傳也真體內充大用外其光熊熊其志峩匕斯可當崇論樣而岡他不然但傳其生不居心行事之資請而已我叔諱樹敖字有五乃桂海公之季子也其性孝友共志剛強其品卓犖幼時略於詩書偕兄力田爲事嘗言稼穡艱難所期無逸不懈於種乃有穫不緩於春乃有秋足紹精節公農人告余以春及將有事於西勝之高風也元配嬪劉操井白勤紡績温恭淑慎四德俱全生子五英敏可畏奈琴韻夙調而絃音欲斷五十二歲中道而殂繼娶嬪晏足繼前徵可稱賢淑生子五頭角崢嶸才智雋偉岸芷汀蘭郁郁菁菁可謂善人必昌後人也持躬耿介處世謙撝不愛新衣不好長裾其性然也始基微褊究境給足万知勤檢持家之本奪皆從省約中來雨番芝一色雨露詩日版人

君子其儀一今其叔之調平壽七十有五福壽考終洵所謂生無愧於時沒有稱於後者也茲屆四修家乘  
余故樂傳其素履俾後人知所景仰云

贊曰

剛而能溫簡而無傲居敬為先惟德是好式玉式金古心古貌愛松菊以培根親稼穡其維寶衣冠簡  
樸古人風言行物恆君子道桂蘭蔚盛噴芬芳烏能測其驥步鵬程之所到

血姪熙績襄臣氏敬撰